

## **Coinníollacha ar leith maidir le Duaisbhannaí**

### **Duaisbhannaí – is é 0.35% faoi láthair an ráta % athraitheach a úsáidtear chun an duaischiste a ríomh**

Arna eisiúint de bhun Chuid V den Acht Airgeadais (Forálacha Ilghnéitheacha), 1956 agus Rialacháin na nDuaisbhannaí 1993 go 2019.

**Baineann na Téarmaí agus Coinníollacha Ginearálta seo atá infheidhmithe le Táirgí Coigilteas Stáit áirithe a tháinig i bhfeidhm Dé Luain an 16 Aibreán 2018 le Duaisbhannaí agus ionchorpraítear anseo iad trí thagairt.**

#### **Fofreidhmiú agus Léirmhíniú**

Mura sainmhínear a mhalairt anseo, beidh an bhrí le téarmaí capitleithe arna n-úsáid sna téarmaí agus coinníollacha seo a bhaineann le Duaisbhannaí (“**Coinníollacha na nDuaisbhannaí**”) a shanntar dóibh sna Téarmaí agus Coinníollacha Ginearálta.

I gcás coimhlinte nó doiléire idir na Téarmaí agus Coinníollacha Ginearálta agus Coinníollacha na nDuaisbhannaí, beidh feidhm ag Coinníollacha na nDuaisbhannaí.

Tá Coinníollacha na nDuaisbhannaí seo i bhfeidhm ó Dé Luain, an 1 Feabhra 2021.

**Eisceachtaí leis na Téarmaí agus Coinníollacha Ginearálta** – I gCoinníollacha na nDuaisbhannaí seo, níl feidhm acu seo a leanas:

- 6.2- Níl aon ráiteas bliantúil ar do shealúchas. Féadfaidh tú ráiteas maidir le do shealúchas a iarraidh, ag am ar bith.
- 7.1 - Níl aon fhoráil le haghaidh cealú ach is féidir gach duaisbhanna a bhriseadh 90 lá ó chláraítear i dtosach iad.
- 8.1 - Is ionann an t-uaslíon daoine i gcomhshealúchas agus beirt.
- 10 – Níl aon dáta aibíochta. Is féidir Duaisbhannaí a choinneáil gan chríocho, ach caithfear iad a choinneáil ar feadh 90 lá ar a laghad ó chláraítear ar dtús iad.

#### **1. Eisiúint Duaisbhannaí**

- 1.1 Leithdháilfear sraithuimhir aonair do gach Duaisbhanna a cheannaítear. Eiseofar teastas banna ar a mbeidh an tsraithuimhir ábhartha de gach Duaisbhanna a cheannaítear chuig an Sealbhóir tríd an bpost chuig a seoladh cláraithe nó ar bhealach agus/nó formáid eile (lena n-áirítear modh(anna) agus/nó formáid(i) leictreonach(a)). I gcás ina gcuirtear Sealbhóir ar an eolas faoi sraithuimhir/shraithuimhreacha ábhartha an Duaisbhanna/na nDuaisbhannaí trí mhodh nó formáid leictreonach, is ionann an fógra sin agus an teastas/na teastais b(h)anna don Duaisbhanna/do na Duaisbhannaí sin chun gach críocho.
- 1.2 Maidir le fáiltas ó dhuaiseanna Duaisbhannaí, féadfaidh an Sealbhóir roghnú chun na fáiltas sin a fháil trí: (a) ríomhaistriú airdid (“**EFT**”) chuig cuntas a ainmníonn an Sealbhóir chun na críche sin; nó (b) ath-infheistiú uathoibríoch na nduaiseanna sin i nDuaisbhannaí breise. I gcás go bhfuair an Sealbhóir fáiltas ó dhuaiseanna Duaisbhannaí cheana le seic agus nach bhfuil a sonraí cuntais curtha ar fáil acu chun críocho EFT, ath-infheisteofar na fáiltas ar fad ó dhuaiseanna go huathoibríoch i nDuaisbhanna(i) breise.
- 1.3 I gcás go n-eisítear Duaisbhannaí nua do Shealbhóir aonair nó Comhshealbhóirí mar thoradh ar ath-infheistíocht uathoibríoch fáiltas ó dhuaiseanna Duaisbhannaí reatha, caithfear leis an eisiúint Duaisbhannaí nua sin chun gach críocho mar cheannachán de chuid an tSealbhóra aonair nó na gComhshealbhóirí agus na fáiltas ábhartha mar airgead ceannacháin do na Duaisbhannaí nua sin.

#### **2. Íos-sealúchais agus Uas-sealúchais**

- 2.1 Dioltar Duaisbhannaí in aonaid €6.25. Is ionann an t-íos-sealúchas ag aon am agus €25 (4 aonad).
- 2.2 Faoi réir choinníoll 2.7, is ionann an uasteorainn shealúchais do Dhuaisbhannaí a chuirtear leis an gClár i d’ainm ar an 1 Samhain 2015 nó ina dhiaidh agus €250,000, d’ainneoin an bhfuil na Duaisbhannaí seo ag an duine aonair seo mar Shealbhóir aonair nó mar Chomhshealbhóir.
- 2.3 Níl aon teorainn ar Dhuaisbhannaí atá i seilbh mar thoradh ar
  - (a) aistrithe chugat de réir choinníoll 17 (Bás Sealbhóra) de na Téarmaí agus Coinníollacha Ginearálta; agus/nó
  - (b) Duaisbhannaí arna n-eisiúint chugat mar thoradh ar ath-infheistiú uathoibríoch na bhfáltas ó dhuaiseanna Duaisbhannaí; agus/nó
  - (c) infheistíocht a rinne tú ar fháltas duais Dhuaisbhannaí laistigh de 30 lá ó dháta na tarraingthe inar bhuaigh tú an duais.
- 2.4 Chun críocho uasteorainn shealúchais Chomhshealbhóirí a ríomh i nDuaisbhannaí nua a chláraítear ar an 1 Samhain 2015 nó ina dhiaidh, measfar go mbeidh codanna comhionanna den tsum ag gach Comhshealbhóir agus roinnfead go cothrom é idir gach duine de na Comhshealbhóirí.
- 2.5 I gcás go n-aistríonn tú na Duaisbhannaí go hairgead chun Duaisbhannaí a cheannach, beidh an ceannach nua seo faoi réir teorainneacha.

- 2.6 I gcás go bhfaightear iarratas chun Duaisbhannaí a cheannach a sáróidh an páirtí aonair an uasteorainn shealúchais mar thoradh air, ní phróiseálfar an t-iarratas agus aisíocfar luach iomlán an iarratais.
- 2.7 Chun críche comhbhailiú uas-sealúchas duine aonair a ríomh, cuirfear aon Duaisbhannaí atá i seilbh de réir choinníoll 2.3 le haon Duaisbhannaí a bhí ceannaithe ag an duine aonair sin cheana ar an 1 Samhain 2015 nó ina dhiaidh. Má shroicheadh nó má sháraíodh duine a (h)uasteorainn shealúchais mar gheall ar an ríomh seo, ní chlárófar aon Duaisbhannaí eile don duine sin.
- 2.8 Chun críocha comhiomlán sealúchais aon duine aonair a ríomh, ní chuirfear aon Duaisbhannaí i seilbh carthanais, comhlachta neamhchorpraithe nó cara-chumainn a bhfuil baint ag an duine aonair leo sa áireamh agus ní áireofar é ach i ríomh na huasteorann sealúchais don charthanas, chomhlacht neamhchorpraithe nó cara-chumainn sin.

### **3. Tarraingt Duaise**

- 3.1 Reáchtálfar tarraingt duaise, ar a laghad, i ndáil le gach seachtain den bhliain féilire, ag eatraimh a fhaomhfaidh NTMA ó am go ham. Beidh sé de cheart ag an NTMA freisin (ar a lánrogha iomlán) an líon tarraingtí duaise a athrú ag aon am.
- 3.2 Cuirfear gach Duaisbhanna i ngach tarraingt duaise agus tá deis aige duais amháin a bhuachan.
- 3.3 Ní íoctar aon ús le Sealbhóirí Duaisbhannaí. Ina ionad sin, dáiltear luach an chiste duaise ar bhuaiteoirí na tarraingtí duaise.

### **4. Struchtúr na nDuaiseanna**

- 4.1 Déantar luach an chiste duais míosúil a athríomh ag tús gach mí féilire trí ráta chéatadán inathraitheach (0.35% faoi láthair) a chur i bhfeidhm ar luach gach Duaisbhanna atá fágtha ag deireadh na míosa roimhe.
- 4.2 Ag am ar bith féadfaidh NTMA an ráta athraitheach céatadán a úsáidtear chun an duaischiste a ríomh a leasú, luach na nduaiseanna agus struchtúr na nduaiseanna a athrú. Fógrófar aon athrú den chineál sin sna meáin phríomhshrutha agus ar StateSavings.ie.
- 4.3 Seo a leanas struchtúr na nduaiseanna faoi láthair –  
Bronntar duais €250,000 sa tarraingt dheireanach i Márta, Meitheamh, Meán Fómhair agus i mí na Nollag.  
Is ionann an príomhdhuais i ngach tarraingt eile agus €50,000.  
Is ionann na duaiseanna eile i ngach tarraingt agus:  
€1,000 X 10 nduais  
€500 X 10 nduais  
€50 X Gach duais eile go dtí go n-úsáidtear an duaischiste don tseachtain sin ina iomláine.
- 4.4 Cuirfear gach buaiteoir duaise ar an eolas tríd an bpost chuig a seoladh cláraithe nó trí fhoirm chumarsáide eile (lena n-áirítear trí mhodh leictreonach).
- 4.5 Mar a luaitear i gcoinníoll 1.2 thuas, eiseofar gach fáltas ó dhuaisanna Duaisbhannaí le Sealbhóirí trí EFT nó ath-infheisteofar iad go huathoibríoch i nDuaisbhannaí breise. Coinneofar gach duais Duaisbhanna nár éilíodh roimhe seo gan chrích go dtí go n-éilítear iad.

### **5. Cánachas**

- 5.1 Níl duaiseanna ó Dhuaisbhannaí faoi réir Cháin Choinneála ar Ús Taisce, agus tá siad díolmhaithe ó Cháin Ioncaim, Árachas Sóisialach Pá-Choibhneasa agus ón Muirear Sóisialta Uilíoch. Tá Duaisbhannaí díolmhaithe ó Cháin Ghnóthachan Caipitíúil in Éirinn.
- 5.2 D'fhéadfadh dliteanais chánacha eile bheith agat ag brath ar do chúinsí áirithe. Mholfaimis dá bhrí sin go rachaidh tú i gcomhairle le do Chomhairleoir Cánach.

### **6. Sonraí Teagmhála**

Gréasán – [www.StateSavings.ie](http://www.StateSavings.ie)  
 Ríomhphost – [PrizeBonds@StateSavings.ie](mailto:PrizeBonds@StateSavings.ie)  
 Teileafón – 1850 30 50 60/ +353 1 705 7200  
 TÉACS SMS – 0852 30 50 60  
 Seoladh Poist – Coigilteas Stáit – Duaisbhannaí, Cill Orglan, Saorpost, Co. Chiarraí, V93 WN9